

玄覽堂叢書續集

第二十一冊

古學堂藏書

卷二十一

總督四鎮奏議卷之二目錄

安插降夷請發錢糧併敘効勞官員疏

奏報器械芻糧疏

議處不善撫恤新軍疏

討邊兵春賞疏

薊鎮歲用錢糧省費疏

遼鎮大捷敘功疏

薊鎮查催民運銀兩疏



總督四鎮奏議卷之二

安插降夷請發錢糧併敘効勞官員疏

題為

天威遠播夷酋率衆來降屢立斬獲功次乞

賜糧餉安插以便鼓舞併敘効勞官員以昭激勸事

准巡撫遼東地方兼贊理軍務都察院右僉都

御史顧會稿據分守遼海東寧道兼理邊

備右叅議傅霖呈據瀋陽備禦于景陽呈據守

平虜堡指揮鄔希堯呈解降夷青打哈等因偷

頭兒以兒鄧抽科營馬匹被抽科帶領達子殺他青打哈等畏懼帶領本家兄弟男婦七十餘名口投奔南朝後被達子追趕急迫各夷四散跑走不知去向止有青打哈等并回鄉宋孝子男婦一十二名口馬八匹於萬曆十三年八月二十六日從本堡投降各夷願在遼陽隨營如有驚散各夷從別地方進入乞要俱發一處夥住緣由到道覆審相同等因又據分巡遼海東寧道兼理廣寧等處兵備按察使任天祚呈據

守鎮遠堡指揮陳善策呈報降夷阿卜當等并
回鄉孩子共一十五名口馬九匹係青打哈一
同降夷於八月二十七日從本堡投降相應准
發遼陽安插夥住等因又據懿路備禦郎顯忠
呈據守丁字泊堡百戶皮承德呈報降夷乞台
等并回鄉孟小四漢男婦共三十名口馬二十
四匹係青打哈兄弟叔姪先被趕散今於八月
二十八日從本堡投降情願與青打哈等一處
夥住等因到職除將青打哈阿卜當乞台等三

起俱經批仰分守道再加譯審轉發遼陽副總
兵營隨操照例給賞安插撫住外又據分巡道
按察使任天祚呈准先任分守錦義叅將王守
道手本開稱本年閏九月二十七日據守大康
堡指揮尹世武稟據哨夜報稱本堡大邊祝靑
新臺進入投降夷人速伴即肅漢等男婦一百
六十六名口馬一百一十六匹牛三十四隻盈
甲三頂副臂手二副弓箭四十八副十月初三
日又據鎮靜堡守備劉崇正呈據守本堡千戶

劉綬稟稱本月初一日鎮遠關大臺進入投降
夷人羊羔兒等男婦六十八名口馬六十六匹
羸一頭各解到道隨行備禦王咨臣公同千總
高良弼譯審來降情節去後隨據備禦王咨臣
等譯審得肅漢等各供係朶顏衛達子頭兒小
歹青營內夷人內肅漢係有名頭目因被索要
牛羊搶要子女又審得羊羔兒等各供係西虜
達子頭兒以兒鄧營內部落因在夷地受氣不
過思起先降夷人煮賴見在南朝得過又因在

鎮靜馬市見本夷先降部落土墩之子乃陸等
奉撫鎮及本道傳諭招撫有好衣服糧賞以此
各夷率衆輸心歸附投降願效力隨營截殺圖
報等情回報到道覆加譯審無異等因又據山
海叅將王有翼稟據白馬關尖哨報稱有把漢
代成下小頭兒肅漢即蘇伴他不能因把漢代
成強奪人畜惱恨不過將把漢代成下家人射
死三名反進遼東等因各到職案照先據分巡
道按察使任天祚呈稱譯審得降夷虎刺又漢

係朶顏衛頭兒委正下部落又哈刺羊羔子俱
係泰寧衛已斬獲頭兒速把亥下部落又塔顧
賁兒赤俱係泰寧衛頭兒花大下部落又額石
刻大猛嗑赤俱係朶顏衛頭兒以兒鄧下部落
商同被虜漢人草名襖刺哈赤并馬存住逃走
又逞克係泰寧衛頭兒委正下部落又老薄係
朶顏衛頭兒黃台吉下部落商同被虜漢人金
世臣投降又卜落大瘦兒肯俱係朶顏衛頭兒
反青下部落以上共一十四名各陸續從鎮靜

等堡進入呈解前來除回鄉馬存住係定遼中
衛人已經親兄馬玉春告領金世臣係鐵嶺衛
人已省發伊戶官指揮金聲領回本院仍照例
各給免帖寧家降夷卜落大瘦兒肯俱有先降
日久夷人打拜相識情願認領似應存留發受
降所與打拜同居安插撫住其虎刺又漢哈刺
羊羔子塔顧煮兒赤額石刻大猛磕赤逞克老
薄俱係真夷並無已前降夷親戚認領又有父
母妻子見在夷地并襖刺哈赤雖稱回鄉已經

行查亦無父兄親識認領似屬可疑俱應解

京等因又據廣寧備禦王咨臣呈稱譯審得夷婦
董桂係朶顏衛頭兒以兒鄧下部落煮賴妻因
被以兒鄧誣說夫弟猛兌未娶妻只專偷姦將
牛馬盡行趕去有夫煮賴惱恨不過商同伊弟
猛兌男章吉太等各拐騎馬一匹從鎮靜堡進
入呈解前來查審間煮賴病故董桂配與降夷
肅漢為妻其猛兌章吉太已經受降所夷人羊
羔兒領養撫住等因據此除將回鄉襖刺哈赤

真夷虎刺又漢等十名批發監候聽解間塔顧
煮兒赤逞克老薄四名俱陸續病故虎刺又漢
哈刺羊羔子額石刻大猛磕赤襖刺哈赤六名
候解有該解降夷另行類

題解京其降夷猛兌章吉太卜落太瘦兒肯等俱
發受降所安插外隨經移文鎮守寧遠伯李成
梁將今節次降夷肅漢等差人譯審因何事故
投降應比何項事例存留作何安插去後隨准
寧遠伯李成梁手本行據坐營中軍張世爵督

同千總高良弼委官陳紹先等查得降夷青打
哈阿卜當乞台等五十七名口委因偷了大頭
兒馬匹殺害不過肅漢等一百六十六名口因
被頭兒索奪牛羊妻女羊羔兒等六十八名口
因被頭兒打罵受氣各前來投降俱係扶老携
幼隨帶牛馬弓刀器具真心效順相應撫賞安
插以備軍前效用等因到職職即會同李成梁
議得諸夷既率衆來降須令之出哨劫營立有
奇功乃可深信而厚撫之隨會行守巡二道并

遼陽副總兵各加意鼓舞降夷責令立功自效
本年九月二十七日該分守道叅議傅霖遼陽
副總兵楊燮差降夷青打哈生庫等并家丁鄭
朝隆等三十名從瀋陽上榆林堡出境哨探至
紅山迎遇達賊對敵共斬首一十五顆本年閏
九月初一日該職與總兵官會差降夷乃陸等
七名從鎮邊堡出境哨探至三塔谷撞遇達賊
一名生擒進境以上擒斬共一十六名顆已於
本月二十四日同大靜堡捷功本內類

題外本年十月十九日又該職與總兵官會差降
夷肅漢等從大清堡出境至地名打路撞遇達
賊肅漢卜向化我兌羊羔兒等四名各生擒達
賊一名共四名慌合帖木救回漢人一名張二
漢本月三十日又會差降夷羊羔兒等從鎮邊
堡出境至地名長漢失撈撞遇做賊達子羊羔
兒我兌塔那可忒赤車力等五名各斬首一顆
共五顆陣亡降夷二名伯卜哈額革士本年十
一月十六日該分守道叅議傅霖遼陽副總兵

楊燮因節蒙撫鎮據報虜情傳示嚴謹會差降
夷青打哈阿卜當等家丁江達子等共二十八
名從十方寺堡出境哨探至地名蝦兒吉太等
處離牆二百餘里撞遇達賊對敵共斬首一十
九顆內阿卜當斬賊首把兔首級一顆生擒夷
婦二口救回被虜漢人一名王靠山本年十二
月初六日又該職與總兵官會差降夷肅漢卜
向化等七十七名從鎮邊堡出境哨探至地名
朱沙坡離牆三百餘里撞遇達賊五十餘騎對